



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Կ- 3/43

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 24 » 01 2022թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Ն. Պողոսյանի կողմից 03.12.2021 թվականին հայտնաբերվել է իրավահարաբերության ծագման պահին գործող խնբագրությամբ Վարչական իրավախախտումների վերաբերյալ օրենսգրքի (հետայսու՝ Օրենսգիրք) 169.16-րդ հոդվածի 7-րդ մասով (իրավահարաբերության ծագման պահին գործող խնբագրությամբ) նախատեսված վարչական իրավախախտում, մասնավորապես՝ անհատ ձեռնարկատեր Վազգանուշ Վալոդյայի Սեկոյանի կողմից Երևան քաղաքի Մ. Խորենացի փողոցի հ. 33 հասցեի թիվ 185 սեղան հասցեում, առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք, որի վերաբերյալ 17.12.2021 թվականին կազմվել է թիվ 040689 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 24.01.2023 թվականին գործի քննությանը ներկայացված անհատ ձեռնարկատեր Վազգանուշ Վալոդյայի Սեկոյանը (անձնագիր հ. AV 0354872 տրված 04.08.2022 թվականին 012-ի կողմից): Վերջինս վարչական մարմնին բացատրություն տվեց այն մասին, որ թանկարժեք մետաղներից պատրաստված զարդեր չի վաճառում, այլ վաճառում է միայն ոսկյա զարդերի համար պատրաստված տուփեր: Նեկայացնում է տեղեկանք և միջնորդում է կցել գործի նյութերին:

Անհատ ձեռնարկատեր Վազգանուշ Վալոդյայի Սեկոյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, անհատ ձեռնարկատիրոջ պետական գրանցման վերաբերյալ տեղեկատվությունը, ինչպես նաև անհատ ձեռնարկատեր Վազգանուշ Վալոդյայի Սեկոյանի կողմից տրված բացատրություններն, ներկայացված տեղեկանքը և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 03.12.2021 թվականին անհատ ձեռնարկատեր Վազգանուշ Վալոդյայի Սեկոյանի կողմից Երևան քաղաքի Մ. Խորենացու փողոցի հ. 33 հասցեի հ. 185 սեղան հասցեում, առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք:

Անհատ ձեռնարկատեր Վազգանուշ Վալոդյայի Սեկոյանի կողմից թույլ է տրվել Օրենսգրքի 169.16-րդ

Հաշվի առնելով անհատ ձեռնարկատեր Վազգանուշ Վալոդյայի Սեկոյանի կողմից տրված բացատրությունները, իրավախախտման հետևանքների վերացմանն ուղղված գործողությունները, և այն, որ անհատ ձեռնարկատեր Վազգանուշ Վալոդյայի Սեկոյանի կողմից առաջին անգամ է թույլ տրվել Օրենսգրքի 169.16-րդ հոդվածի 7-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով բրեական պատասխանատվություն չեն առաջացնում գործող օրենսդրությանը համապատասխան:

Համաձայն «Տեղական ինքնակառավարման մասին» Հայաստանի Հանրապետության օրենքի 45-րդ հոդվածի 1-ին մասի 7-րդ կետի՝ համայնքի ղեկավարն առևտրի և ծառայությունների բնագավառում համայնքի տարածքում տալիս է թանկարժեք մետաղներից պատրաստված իրերի որոշակի վայրում մանրածախ առք ու վաճառքի թույլտվություն:

Իրավահարաբերության ծագման պահին գործող խմբագրությամբ օրենսգրքի 169.16-րդ հոդվածի 7-րդ մասի համաձայն՝ առանց թույլտվության թանկարժեք մետաղներից պատրաստված իրերի վաճառք՝ առաջացնում են տուգանքի նշանակում՝ սահմանված նվազագույն աշխատավարձի հարյուրապատիկից մինչև հարյուրհիսնապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 169.16-րդ հոդվածի 7-րդ մասով, 219.1-րդ, 252-րդ, 281-րդ և 282-րդ հոդվածներով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի հ. 2703-Ա որոշումներով՝

ՈՐՈՇԵՑԻ

1. Վազգանուշ Վալոդյայի Սեկոյանին Օրենսգրքի 169.16-րդ հոդվածի 7-րդ մասով ենթարկել վարչական պատասխանատվության՝ նշանակելով վարչական տույժ 100.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ
ՎԵՐԱԲԵՐՅԱԼ ԳՈՐԾԵՐԻ ՔՆՆՈՒԹՅԱՆ
ԲԱԺՆԻ ՊԵՏ՝



ԶԱՎԵՆ ՍՄԲԱՏՅԱՆ